



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-11-4-4023-6

Dana: 08.12.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i člana 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine i Izmjenom rješenja broj 05-1-11-4-1158-4 od 07.09.2020. godine u postupku javne nabavke informatičke opreme za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i p o n o v n u**

O D L U K U

o izboru ponuđača za nabavku informatičke opreme za potrebe Ministarstva unutrašnjih poslova Kantona Sarajevo

I

Na osnovu Odluke broj 01-11-4-4023 od 05.08.2020. godine i Obavještenja o nabavci broj 1364-1-1-53-3-49/20 od 13.08.2020. godine, proveden je otvoreni postupak nabavke informatičke opreme za potrebe Ministarstva unutrašnjih poslova Kantona Sarajevo, uz primjenu e-aukcije sa podjelom na LOT-ove (LOT 1 – Printeri u boji, LOT 2 – Dokument skeneri i LOT 3 – Projektori).

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese ponovna Odluka o dodjeli ugovora:

- za LOT 2 - Dokument skeneri u iznosu 15.224,76 KM bez PDV-a (petnaesthiljadadvijestotinedvadesetčetiri i 76/100 KM).

II

Postupak za LOT 1 – Printeri u boji i LOT 3 – Projektori se poništava jer nije prispjela niti jedna ponuda.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.



Obrazloženje

Na osnovu Odluke broj 01-11-4-4023 od 05.08.2020. godine i Obavještenja o nabavci broj 1364-1-1-53-3-49/20 od 13.08.2020. godine, proveden je otvoreni postupak nabavke informatičke opreme za potrebe Ministarstva unutrašnjih poslova Kantona Sarajevo, uz primjenu e-aukcije sa podjelom na LOT-ove (LOT 1 – Printeri u boji, LOT 2 – Dokument skeneri i LOT 3 – Projektori).

U predmetnom postupku tendersku dokumentaciju su preuzela 32 ponuđača, a prispjele su tri ponude i to samo za LOT 2. Nakon komisijske evaluacije prispjelih ponuda, donesena je Odluka o izboru ponuđača broj 01-11-4-4023-3 od 01.10.2020. godine, kojom se ugovor za LOT 2 - Dokument skeneri, dodjeljuje ponuđaču C – Servis d.o.o. Sarajevo u iznosu od 15.240,00 KM bez PDV-a.

Međutim, ponuđač Printex d.o.o. Sarajevo, izjavio je ovom Ministarstvu žalbu na gore navedenu Odluku o izboru ponuđača.

Po prijemu žalbe u predmetnom postupku, donesen je Zaključak broj 01-11-4-4023-5 od 21.10.2020. godine kojim se postupak prekida dok žalba ne bude riješena od strane Ureda za razmatranje žalbi.

Na osnovu Rješenja Ureda za razmatranje žalbi BiH, broj JN2-03-07-1-3002-8/20 od 19.11.2020. godine usvojena je žalba ponuđača Printex d.o.o. Sarajevo i predmet je vraćen na ponovni postupak.

Komisija je izvršila ponovnu kontrolu dostavljene dokumentacije, uzimajući u obzir navode iz Rješenja Ureda za žalbu te je konstatovano sljedeće:

- ponuda ponuđača C-Servis d.o.o. Sarajevo je formalno-pravno ispravna i po osnovu dostavljene dokumentacije i tehničkih specifikacija;
- Komisija je uvažavajući Rješenje Ureda za razmatranje žalbi BiH, broj: JN2-03-07-1-3002-8/20 od 19.11.2020. godine utvrdila da je ponuda ponuđača Printex d.o.o. Sarajevo formalno-pravno ispravna, te da se uvažava jer je upisan iznos ponude slovima na Obrascu za cijenu ponude Anex III iako nije upisan iznos slovima na dostavljenom Obrascu za ponudu, Anex II te da se nudi oprema koja prema dostavljenim tehničkim karakteristikama odgovara minimalnim tehničkim karakteristikama, predviđenim tenderskom dokumentacijom, a kako je predstavljeno u tabeli;
- ponuda ponuđača digiTarija d.o.o. Sarajevo nije formalno-pravno ispravna jer se nudi oprema koja prema dostavljenim tehničkim karakteristikama ne odgovara minimalnim tehničkim karakteristikama predviđenim tenderskom dokumentacijom, a kako je predstavljeno u tabeli.

S obzirom da su dostavljene dvije ponude koje zadovoljavaju formalno-pravne i tehničke uslove zadate u Tenderskoj dokumentaciji broj 01-11-4-4023 od 05.08.2020. godine, Komisija je zaključila da su se stekli uslovi za zakazivanje e-aukcije.

E-aukcija je održana 07.12.2020. godine u 10:00 sati.

Prema Izvještaju o toku i završetku e-aukcije na dan 07.12.2020. godine ostvarene su sljedeće konačne vrijednosti ponuda, i to kako slijedi:

- Rang 1 - C -Servis d.o.o. Sarajevo u iznosu od 15.224,76 KM (bez PDV-a) i
- Rang 2 - Printex d.o.o. Sarajevo u iznosu od 15.240,00 KM (bez PDV-a).



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Sl. glasnik BiH“ broj 39/14), Komisija je jednoglasno dala preporuku ministru MUP-a KS da donese odluku o dodjeli ugovora za nabavku informatičke opreme za LOT 2 - Dokument skeneri - ponuđaču C -Servis d.o.o. Sarajevo u iznosu od 15.224,76 KM bez PDV-a.

U skladu sa članom 69. stav (2), tačka a) za LOT 1 – Printeri u boji i LOT 3 – Projektori, postupak se poništava jer nije prispjela niti jedna ponuda.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



DOSTAVITI:

1. Ponuđačima x3;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

